



Broj: T18 0 KT 0017513 24
Brčko, 25.03.2025. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, p o d i ž e m:

O P T U Ž N I C U

Protiv:

ALIĆ RIZE, rođen ... 1958. godine u Lukavcu,

Što je:

Dana 19.01.2024. godine, u ulici Dejtonska bb, Brčko distrikt BiH, s ciljem da sebi pribavi imovinsku korist protivpravno zadržao tuđu pokretninu koja mu je povjerena na korištenje, što je i htio, sa preduzećem za iznajmljivanje putničkih vozila "Automatic rent a car" d.o.o. Brčko, zastupanim po H.H., zaključio Ugovor o najmu vozila marke "Audi A4", registarskih oznaka ..., broj računa: 4-2024, na period od 19.01. do 24.01.2024. godine, koje povjereno vozilo nije vratio ugovorenog dana, već je po usmenom dogovoru sa H.H. korištenje vozila produžio za pet dana, do 29.01.2024. godine, ali je i 29.01.2024. godine zvao i tražio produženje za još 5 dana, a nakon toga skinuo postavljeni GPS uređaj, te se sa istim vozilom uputio u nepoznatom pravcu, protivpravno zadržavajući tuđu pokretninu, koju ni nakon dužeg vremena nije vratio, čime je za sebe pribavio protivpravnu imovinsku korist u iznosu od oko 45.000,00 KM, a za koji iznos je oštetio vlasnika preduzeća „Automatic Group“ d.o.o. Brčko, H. H.,

dakle, protivpravno zadržao tuđu pokretninu koja mu je povjerena s ciljem da sebi pribavi protivpravnu imovinsku korist,

čime je učinio krivično djelo – Utaja – iz člana 284 stav (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
